

江津縣志

卷

76999

10

280167

41

Epistol

宗教志  
慈善志  
雜志  
原序  
跋  
志  
餘存



江津縣志卷十三

宗教志 佛教 道教 耶教

佛教

釋迦牟尼中印度迦比羅城王之子印度舊有波羅門教以自修自度為旨釋尊初學皈依苦行旋悟其非修成淨業自他不二空色平等能所兩遣得證俱無說法度世四十九載滅度之後諸弟子先後結集為經根有利鈍說有權實乘有大小宗有同異

律宗

一名南山宗頭陀行亦此宗所攝

俱舍宗

一名有宗

成實宗

江津縣志

卷十三

佛教

三論宗

一名性空宗

天臺宗

一名法華宗

賢首宗

一名華嚴宗

慈恩宗

一名法相宗

禪宗

一名心宗內分五派一臨濟二禪洞三瀉仰四雲門五法眼五宗之門徑雖殊其勦絕情識徹證心源無有異也

密宗

一名真言宗

淨土宗

一名蓮宗有另立般若行者亦此宗所攝

邑中僧侶以臨濟瀉仰二派為多白衣則惟淨土此外持齋唸佛者雖眾類皆糅雜異說無所宗主寺觀亦不盡僧徒故不備載城內太子寺為佛教會會所會員約六百餘人原有僧會司清末已廢





復綿竹居士金子光書

張彝仲

辱蒙不棄援引釋典糾我謬誤無任感佩彝仲所言與先生所論者似尙各有所見不避翦陋請詳陳之前書所謂生死本爲一途真幻非有二事者非子臆扞之言也圓覺經云本無我人誰受輪轉生死云者屬於常見仁者離常背塵合覺如如自在無去無來性體惟此一如眾生自尋六道此如地體向日背日自生明暗而爲晝夜使此地體豁然洞虛通於大同不自障翳與彼日光融合爲一安有晝夜此亦如是能以慧光照破五蘊入於如來大光明藏三昧正受而不退轉涅槃示寂不以死名非諱其名實未有死亦非不死實無死故實無死者以無生故死屬常見生亦當爾眾生迷執自有生死實則道場未動仍此如如也真幻不二說亦有本諸

江津縣志

卷十三

佛教

二

天世界種切磨勞不外性體而能發生性體不幻中所生者當亦非幻不能說言此真彼幻而有分別所以者何覺性海中應有一切器界情界皆屬真實應如是成應如是住應如是毀應如是滅如如不動者其體生化不息者其用旣言體真別說用幻不應道理聖俗之分祇在迷悟迷則火坑悟則淨土非有二境祇此一心但能的的認真自然事事非假搬柴運水皆是佛事而況典章文物之大修齊治平之事神思智慮之用利害安危之機乎所貴乎學佛者在對境不迷常應常靜塵覺非二背合在人以真破幻如藥治疾苟無時藥自當棄故曰真幻非有二也所見如是還以相質尙望慈悲不吝發洩重宣勝義開我茅塞爲盼爲禱

來書節附三月二十四日夜接到手書卽挑燈捧讀如聞警欬喜極不



已且謂去年曾寄二槧章雖未接到已可見先生之不我遐棄也書中  
道及程農初先生已歸道山不禁黯然神傷老淚承睫悼此良友未能  
一弔復念二三年來變故多端同學老友張輯五君亦與小江先後繼  
歿章雖如恆然落落晨星孤懸亦寡味矣今幸先生道體安健守志甚  
堅養德甚宏欽慕曷極第所謂生死本爲一途語病尙小真幻非有二  
事語病甚大恃在知己不能不爲之糾正也按佛書所說譬如易象有  
可錯綜成文以明義者有不可錯綜成文以明義者如心經云色卽是  
空空卽是色淨名經云心卽是佛佛卽是心錯綜其文以明義也真與  
幻則不可錯綜成文楞嚴經云幻去卽真圓覺經云幻滅名真而皆不  
說幻卽是真要知佛之全旨謂人物本性只有一真墮於幻者由一念  
妄動成此幻身造此幻世遂爲四蛇所纏五陰所障六根所縛六欲所  
迷宛轉沉淪於苦海而不能以自拔若能獨識一真滅盡諸幻以修以  
證不卽不離則靈光獨朗迥出塵根自然與如來把臂同遊於覺海中  
矣

道教

劉向七略敘道家爲諸子神仙爲方技而後世道家者流皆宗黃帝老子  
黃帝老子之言又多言政治明君術豈本其尊生之旨廣而爲治平之道  
歟純任自然宜其主張反樸也秦漢以來方外之士言長生久視乃有專  
書儒者不屑道而流派可略數也

丹鼎派 服食派 符籙派 存想派 吐納導引派



楞嚴經云別修妄念存想固形遊於山林人不及處有十種仙堅固服餌而不休息食道圓成名地行仙堅固草木而不休息藥道圓成名飛行仙堅固金石而不休息化道圓成名遊行仙堅固動止而不休息氣精圓成名空行仙堅固津液而不休息潤德圓成名天行仙堅固精色而不休息吸粹圓成名通行仙堅固咒禁而不休息術法圓成名道行仙堅固思念而不休息思憶圓成名照行仙堅固交媾而不休息感應圓成名精行仙堅固變化而不休息覺悟圓成名絕行仙據此則中土魏伯陽費長房左元放葛稚川張道陵許旌陽呂巖邱長春張三丰之倫不出楞嚴所稱十種之外佛氏呵之爲人中鍊心不修正覺儒者目之爲索隱行怪不蹈中庸然以科學之眼光觀之似尙有研究之價值符籙存想今之精神學靈

### 江津縣志

#### 卷十三

道教

四

子學催眠術之類也吐納導引言衛生者或有取之服食一事於生理物  
理化學皆有密切之關係丹鼎爲說尤有至理生理之秘密造化之機緘  
陰陽之順逆性命之精微苟非聖哲孰能知之形以道全命以術延者歷  
代有人不得謂其皆誕妄也歐西學者近於兩性之研究頗有進步我所  
神祕禁傳者早晚必有公開之一日天不愛道豈能終祕耶

邑舊有道會司南宮諸裔以教應世爲人作齋典者統於道會清末已廢  
今則漫無統紀也

王伯吉 邑人南宮鍊士精符令禁咒之術異迹甚多至今父老猶能言  
之歿後法嗣斬絕其術不傳

耶教



耶教以博愛平等爲宗旨雖教分新舊而同主一神天主福音無所異所持之理精不如佛深不如老其所以光照世界者教徒多堅忍仁信謙勇之德足以發揚其教旨非僅挾國力也

天主教堂在邑城內麻紗市街教友約千餘人司鐸主之各鎮鄉中設立

福音堂在邑城大西門內教友約數百人牧司爲之主各鄉鎮中惟白沙鎮有福音堂一所信教者約百餘人其他各處信徒人數不能確計大約較天主教徒爲略少云

按世界曷爲而有宗教宗教於人羣進化之道爲補助乎爲障礙乎大空冥冥行恆塵塵淆然億類以相雜呈盛衰生滅莫究厥因驚悲歎美

### 江津縣志

#### 卷十三

耶教

五

疑欲求明各信所證宗教是生然世界進演不主故常宗教精神富於保守以言進化障礙誠多苟有龍象負荷斯責更張舊貫與時變通則宗教者亦進化例中之物事耳安見其爲障礙耶